

's Grüabl in'n Koi. *)

Von J. F. Castelli.

Mein Deändl hat ä Koi wo ä Grüabl is drin,
Und ih kann gar nit sagen wie ih eing'sprengt drein bin.

A Nas'n hat ä Jede, und Aug'n und ä Mäl,
Ab'r ä Grüabl in Koi findt mä nit allwöl.

Wann s'freundli mih anschaut, wann s'fleuscht und
wann s'lacht,
Sollt's sehn wie s' das Grüabl so liäbli aufmacht.

So rund is ihr Koi und so schön is's vorn g'lucht,
Als wann ihr's Christkindel hätt's Fingerl drein druckt.

Ih hätt Ane heiraten soll'n aus der Stadt,
Hab s' aber nit mög'n wäl s' kan Grüabl nit hat.

Die Haar können falsch seyn und d'Bähn, das kann g'schehn,
A falsch's Grüabl in Koi hab' ih aber nie g'sehn.

Dein Grüabl mein Deändl das is schon ä Pracht,
Ih bitt Dich, o! nur auf das Grüabl gib acht!

Und wann ich nur bersät, und g'schäch's nach mein'n
Will'n,

So thät ih dir's allwöl mit Buffeln ausfüll'n.

Und wannst äs amal thäst an andern Bub'n geb'n,
Das kunnt ih bei meiner Seel nit überlebn.

D laß mein lieb's Deändl das Grüabl bei'n'n Bubn,
Bis 'n awikal'n annaßl in d'ewige Grubn.

*) Sinn.

Heunt und morign.

Von K. A. Kaltenbrunner.

1. Der Ang'stock'ne.

Wia's sädts in der Stubm da,
Es Baur'n da allsand,
Dös sag i enk eini —
Enk Allu mit anand!

I sag' dös und sonst nix —
Und verwett' draus mein Haus;
Denn sobald i so redn thu',
So kenn' i mi aus!

I sag' dös und sonst nix —
Und bei dem bleib i stehn!
Was i sag', sagt mein Köpfel, —
Es kennts üns, üns zween!

Wer seängt, wann i reb'?
Will er habn, daß i'n strix'?
Käm mä justament recht!
I sag' dös und sonst nix!

Es traut si Neam z'streiten, —
An ider fürcht't Wix'!
Wier i sag', äso is 's!
I sag' dös und sonst nix!

Dir — und Dir sag' i's äh,
Und wannst kunnst, widersprich's —!
Es is Alls'and ä Glump', —
I sag' dös und sonst nix!

2. Den andern Tag

Heunt s'ht er ganz dusmi,
Und traut sie käm z'rühn;
In'n Gesicht etld Flicke,
An Däbel auf'n Hirn.

Heunt lost er und luegt er,
Und redt nüt ä Wort;
Sein Zech zahlt er zeitli,
Pfürr't Neamb, und — is fort.

Und d'Kellnerin pfugeßt,
Dö ganze Stubm lacht, —
Es ham mit eadm gestern
No Richtigkeit gmacht.

Für die lästerli Goschen
Ham s' 'm halt ä weng broschen,
Und g'habt hat er d'Wix',
Aber — g'sagt ham s' sonst nix!